


UKU SHIKA

 Mwebapalwa Taata wamu Muulu, pamo no Kubapo ukwa—ukwa Mupashi wa Mushilo ukulo pano, uuli kale pano, twapalamina ku Cebo Cenu ica Mushilo. Kabili inkwete ishiwi iyabipa lile esha ukumbwesha ku numa, kabili nokulanda amashiwi uwakokomokafye kabili ukuba uwaiminina bwino ngefyo Ningacita, Ndeipusha pa butungulushi Bwenu ubwa Maka yakalamba kabili necakufwaya ukucita ica Mupashi wa Mushilo ukwenda pakati kesu munshita yabushiku. Kabili lekeni Ena Uusangwapo lyonse, lekeni Ena atwale i Cebo cakwa Lesa nokupela Cena kumutima onse, nga fintu ifwe tulekabila. Lekeni Ena atulishe munshita iyabushiku pa fintu ifisuma ifyakwa Lesa.

² Kabili munshita ya bushiku, ilyo tulelanda pa Cebo, lekeni imitima yesu ibe ba mailoshi ukwingila mu Kalbale, umo Yesu alipile umutengo uukalamba uyo uwalekabilwa pabupingushi ubukalamba ubwakwa Lesa, ukufuma mwi bana Iya Edeni. Kabili ileelo lekeni twiluke ukutula twali lungamikwa ukwabula umutengo ukupitila mukubuka Kwakwe, kabili na mumfwa Yakwe, ukushikwa, kabili nokubuka.

³ Kabili munshita ino iya bushiku tatuli nakabili aba mwi sonde, pantu ifwe twashitwa no mutengo uwa Mulopa uusuma uwa Mwana wakwa Lesa. Kabili lekeni ifwe, ne mitima yesu iyatotela, tupilibukile kuli Imwe, na mano yonse na maka, kabili ayo ifwe twakwata mukati kesu, no kubombela Imwe nowapwililika, umutima uushacinjishiwa.

⁴ Fikilisheni munshita ino iyabusiku, Taata, nga cakutula kuti kwabako bamo pano abo abashaishiba Imwe, mukwelela ukwa membu shabo, lekeni bena muno bushiku bese mukuicefya kucapindama, kabili palya nokulanda imembu shabo kuli Lesa uwaba uwalungama, ukubelela. Kabili lekeni buno bube ubushiku ubukalamba kuli ifwe bonse. Twaipusha ico mwi Shina Iya Mwana Wenu, Shikulu Yesu. Amen.

⁵ Nomba ifwe twailuka ukutula takwabapo nangu umo, mwi sonde, uyo uwingacita mukufikapo ukutwala i Cebo cakwa Lesa nokusokolola Cena, pantu i Cebo calembwa nokusubwa. Mupashi wa Mushilo e Kalemba wa Cebo.

⁶ Kabili lintu kwali ukufwaya umo, mu Muulu, ukusenda i Buuku kabili nokukakula Ifikakatikilo, takwasangilwe nangu umo mu Muulu, nangu mwisonde, nangu panshi ye sonde, uyo uwali uwafikapo ukukakula Ifikakatikilo, nangu ukulolesha pe Buuku. Kabili kwali i Mpaanga Kulya iyaipaiwe ukutulafye pa mufula we sonde, kabili Ena aishile no kusenda i Buuku

ukufuma mu kuboko kwakwe Ulya uwaikele pa Cipuna, kabili noku kakula Ifikakatikilo nokwisula i Cebo.

⁷ Kabili ifwe munshita ino iyabushiku tulecetekela nokubika icine muli Ena, ukutula Ena alaisula i Cebo kuli ifwe, kabili nomba ilyo Ndebelenga mu Milimo ya Batumwa chapitala 2.

⁸ Ilyo Ndepela, ubushiku bwakubalilapo kwali *Ukwisa Kwa Cibili*, kabili... ukwakwa Shikulu Yesu, ukuba pali Citatu. Kabili ubushiku bwapali Ciine bwali *I Lambo-Ilikalamba Lyonse*. Kabili pali Cisano ubushiku bwali *Cikonsolwelo Ica Linga-Conse; Icapwililika*. Bushe mwali cipokelela cena ubushiku ubwafumineko? *Ica Pwililika*, ifyo ifwe tufwile ukuba ababula akalema abapwililika kabili abapwililika mu cinso cakwa Lesa! Kabili munshita ino iya bushiku cili *Pa Kushikwa*. Kabili mailo, *U Kububuka*. nga fintu fye inshiku shilekonkana.

⁹ Nomba Ine muno munshita iyabushiku ninsala, Ilembo lyandi ilyakubelenga, ukufuma mwi Buuku lya Milimo ya Batumwa, chapitala 2 kabili ama versi 25, 26, na 27, yaonse pamo. Kabili Cilebelengwa ngefi, Petro alelanda.

Davidi, pantu Davidi alandile ukulola kuli ena, Ine namwene libela Shikulu lyonse ku cinso candi, pantu ena ali kukuboko kwa kulyo ukwandi, ukutula Ine nshifwile ukusunkana:

Eico umutima wandi wasangalele, kabili nolulimi lwandi lwali ulwa nsansa; kabili ukucilapo pamo umubili wandi uli nokutushisha mwi subilo:

Ico imwe tamwa kaleke umweo wandi ukuba kumbo, nangu ukuleka uwa Mushilo wenu Umo ukumona ukonaulwa.

¹⁰ Wesambililo we ilisuma muli buno bushiku, ukubula ifyali muli Ena ukuba mu nshishi.

¹¹ Icintu ica kubalilapo ico tulefwaya ukuloleshapo... ukutwala uku kutina kwenu, ni ukukana cita icilubo ica Cebo cakwa Lesa. Lesa alasunga i Cebo Cakwe, ukufikapo. Kabili munshita ino iyabushiku tulefwaya ukukaka amatontonkanyo yesu pali ico, ukutula Lesa alasunga i Cebo Cakwe. Ifwe twaba abanshininkisha pa cintu conse ukutula Lesa alilanda mu Cebo Cakwe ukuba Icine. Kabili icicetekelo tacikala pamucanga uwibila uwa mano ya muntu nangu ukusambilila kwa mapepo ukwa muntu, lelo cena cakwata incende ya yakwikalapo iyakulekelesha pa Cilibwe icishisela ica Cebo cakwa Lesa ica Muyayaya.

¹² I Cebo! Nga cakuti Lesa ewalanda cena, ico Cine ica muyayaya. Ena teti acibwesesho kunuma nokutula, "Ine nshapilbwile ico." Ine kuti nalanda ifintu kabili imwe teti mulande ifintu, nomba ifwe twaliba abakubwesesho ifintu kunuma, pantu twalandile ico nokwishiba kwesu ukusuma

kabili namucisuma cesu ico twingacita. Lelo, nomba, Lesa aliba uwapusaninako apakalamba ukufuma kuli ifwe. Ena ena asangwa konse konse, eico Ena talanda icintu cimo kano cili mukupwililika icituntulu. Ena tafwile acibwekeshamo kunuma, ena tafwile ukulomba ubwelelo paco Ena alandile. Cena cileminina lyonse, Icine.

¹³ Nangu ni Yesu, muli ishi nshiku ishikalamba isho ifwe tulesefya, lintu Lesa icine cine aipeye u Mwana Wakwe pamembu isha pesonde, yali limbi imyaka amakana ilyo nangufye umufula wali taulabikwa. Lesa alandile i Cebo, kabili Cena cintu icapwa mu Muulu lintu Lesa alanda cena; ninshi kale cena nacipwa. Oh, nga cakutira ifwe kuti twaumfwafye ifyo ico cilepilibula, ifyo ifwe fwe bantu tuli nokuba aba pusana! Ukumona mwi Buuku Lyakwe, ifya bupingushi ifyo abika muno pali bacintomfwa, cena kuti calenga umuntu ukuipima pa lwakwe, ora na ora; kabili kuti napanga ukusangalala ukwa bulungami, ora na ora, ukubelenga amapalo ayo Lesa alaya abacishinka. Kabili ifwe kuti twaba abashininkisha ukutira i Cebo conse cili nokufikilishiwa, ifwe fye kwikatilila imyeo yesu pali cena. Cena lyonse caba muli iyo nshila.

¹⁴ Lintu Lesa alandile kuli Noah, kunuma kulya kwi sonde lyalyeshi; limbi epali ilyo iyi Baibele tailati ilembwe, nangu iyi Baibele, nangu cibe ifyo, yali tailati ilembwe; Lesa aebele Noah ukutira kuli nokwisa icimwela icikalamba, kabili na menshi yali nokwisa nokufimba pe sonde. Kabili ukwabula cimo icakushininkisha ukutira cena cili nokucitika, ifintu fyonse fyali ifyapusanako, Noah aendele no mwenso, kabili akulile ubwato, apekenye bwena. Bwena bwali ubwakupususha aba ng'anda yakwe kabili na ena pa lwakwe. Lesa tamusebenye, pantu cali Cebo Cakwe. Cena cali nokucitika lintu Lesa atile cena cili nokucitika.

¹⁵ Nomba, lintu Yobo, ibuuku ilyakale muli Baibele, ilyo ilyalembwa limbi ilyo u Kutendeka takulalembwa, kabili cena calundilwemo muli Baibele. Kabili Mose ewalembete Ukutendeka. Yobo, mwi Buuku lyakwe, ena atushishe nakatina pa bulayo Lesa amupele ena. Kabili aiminine pelambo lyakwe ilya ocewa, ukwabula umwensu mu mutima wakwe; ukwishiba ukutira, ifyo Lesa asosele, Lesa ali uwalinga ukubomba. Kabili ilyo fyonse fyamoneke ukupusana, Yobo aliminine uwashipa pantu ubulayo bwakwa Lesa bwali ubwakosa. Lesa alilaile Yobo, na Yobo atushishe pali bulaya bulayo.

¹⁶ Oh, nga Chalichi kuti catala fika pancende iyo uko cena citusha mumushiye pa Cebo cakwa Lesa ica Muyayaya ukuba ica Cine! We bupusano bwingabapo, wekulungamika kwingabapo, we kuputulwa kwingabapo, wensansa shingabapo, wemaka yengabapo, ilyo abaume nabanakashi basenda Lesa pafyo aba, ifyo Alanda e Cishinka. Te mulandu ifyo amafya yalemoneka,

cilya tacakwatapo nangu cimo icakucita nacena. Lesa eflyo asosa; cilya cilecipwishisha!

¹⁷ Kabili Yobo, ilyo ena ali munshita yakwe iyakweshiwa iyacilishapo iya kwishiba kwakwe konse; ilyo ena asangilwe, mu Mukubapo kwakwa Lesa, umuntu umulungami. Nangula ni Lesa atile ali uwapwililika. Takwali nangu umo nga ena mwisonde. Kabili Satana apelwe ishuko ku kumutunka, ukusosa ukutula, “Nalamulenga ena ukutipa Imwe ku cinso Cenu.”

¹⁸ Kabili ena ali fye mupepi no kusenda umweo wakwa Yobo, kabili nga alicicitile, lelo Lesa aishilelenga umushilwa wakulekanya, atile, “Iwe kuti wacita icili conse kuli ena, lelo wisenda umweo wakwe.”

¹⁹ Kabili ilyo Yobo aiminine pakweshiwa kwailya nshita yakosa, atile, “Nalishiba ukutula Kalubula wandi wa mweo, kabili pa nshiku sha kulekelesha Ena akeminina pe sonde. Nangula imititi ya mu munofu ikonaule uyu mubili, nalyo line mu mubili wandi Nkamona Lesa.” Te mulandu ifyo camoneke ica fita, kabili ifyo camoneke icakutinya, kwaliko icintu cimo ico Yobo akobele umweo wakwe, ubulayo bwa Muyayaya ubwakwa Lesa. Oh, nga ifwe kuti twacita fye ico! Moneni, ena atushishe pa bulayo ukutula, “Nalishiba Kalubula wandi wa mweo.”

²⁰ Kabili Ndefwaya imwe mumone, pa fyebo ifya kuntanshi ifyo Ndefwaya ukusosa, Yobo alangishe icifulo cakwe icakushitwa. Kabili ilyo Yobo afwile, ena ashikilwe filya fine.

²¹ Kwaliko umuntu umbi, uwe shina lyakwa Abrahamu, uyo wasendele Lesa pa Cebo Cakwe. Kabili ena aceteketele Lesa. Kabili aitile filya fintu ifyali ifyapusana ku bulayo Lesa amupele, kwati tafyali. Ena asendele Lesa pa Cebo Cakwe. Kabili lintu inshiku shapitile, kabili ne milungu kabili ne myeshi, kabili nangufye imyaka yalipitile, filya tafyatalile afimusesha Abrahamu napanono. Baibele Yatila, “Ena tasunkene iyo, ukupitila mukukana cetekela, pabulayo bwakwa Lesa; lelo ali uwacinshika, ukupela ukutotela kuli Lesa.”

²² Lintu ifintu fyonse fyamoneke ukuba, cila bushiku, cena catwalililepofye ukukula ukuba icakosa cila bushiku; lelo mucifulo cakuba uwanakilako, Yobo ali uwakoselako cila bushiku. Oh, wekushininkisha kwepalo we uko twakwata! Lintu ukukosa kwamoneka ukwima ukupanga icintu, ico Lesa alaya, icishinga citika, mu cifulo cakunakila ukufumyapo, kubwelela mwisonde, tufwile ukwiminina abamaka ukucila ifyo twaiminine, pa EFYA SOSA SHIKULU. Cena cifwile capwisha ico, lintu Lesa alandapo icintu cimo.

²³ Kabili Abrahamu aitile filya ifintu ifyalipo, kwati fyena tafyalipo, pantu fyena fyali ifyapusanako ku Cebo. Kabili lintu Abrahamu alufishe umutemwikwa wakwe kabili umukashi, Sarah, panuma ya myaka iingi iyakwikala pamo, ashitile

icipandwa ca mpanga mupepi ne ncende apo Yobo ashikilwe, kabili ashikile Sarah. Kuti mwasunguka mulandu nshi? Bena bali bakasesema! Bena balimwene! Bena baiipwishe Lesa! Kabili nombamba lintu Abraham afwile, ena ashikilwe palya na Sarah.

²⁴ Nombamba, ena talefwaya aba bantu ukumupela cilya icipandwa ica mpanga. Ena ashitile yena, kumenso yaba kambone. Wecakupashanya we icisuma ica lubatisho. Ena aishitile, ku menso yante, ukutila cena cali cikwatwa cakwe. Oh, iyo ine enshila iyo uwacetekela umwine mwine afwile ukwishilamo, tekushelela mulusoso, lelo ukwiminina ku nciso ca nte, “Ine ndi nte iyakwa Shikulu Yesu, kabili iya Mupashi wa Mushilo, kabili napa milimo Yakwe iikalamba,” kabili nokumona ukucilapo ilyo tulemona ubushiku ubwabipa bulepalamina.

²⁵ Kabili nombamba lintu umwana wakwa Abrahamu, uyo uwali ni Isaki, ubulayo bwali nokupelwa kuli ena. Kabili lintu Isaki afwile, ashikilwe pamo na Abrahamu. Kabili Isaki afelele Yakobo.

²⁶ Kabili lintu Yakobo ali . . . aile fwila mulya mu Egypto. Lelo moneni, ilyo talafwa, alandile ku mwana wakwe kasesema, Yosefu, “Isa kuno, we mwana, kabili bika ukuboko kobe palutungu lwandi ulwalemana.” Pantu muleibukisha ifyo alemene, nipamulandu wakutila Malaika wakwa Shikulu akumishe pa lutungu lwakwe, kabili asuntile ukufuma bulya bushiku ukuya kuntanshi. Ena atile, “Bika ukuboko kobe palutungu lwandi, kabili lapa kuli ine ukupitila muli Lesa waba taata besu, ukutila iwe tawakanshike muno mu Egypto.” Mulandu nshi? Oh, bena balikwete i Cebo, bena balikwete ubusokololo!

²⁷ Kabili lekeni Ndekele pano, ukulanda ukutila ichalichi cakwa Lesa wa mweo cakulwa pa Maka ayakalamba aya busokololo; tepa cilonganino, utubungwe, tepama sambilisho nangu amasambililo, lelo paca bumupashi Icine icasokololwa icakwa Lesa wa mweo.

²⁸ Abele, mwi bala Iya Edeni, akwete ico ilyo ichalichi catampile. Nimu musango nshi aishibilemo ukuleta impanga? Mulandu nshi taletetele ifisabo kwati fintu Kaini acitile? Lelo cena casokolwelwe kuli ena!

²⁹ Yesu pa muku umo alandile, atile “Ninani untu abantu batila Ine ne Mwana wa muntu naba?”

“Bamo batile Iwe niwe ‘Mose,’ kabili ‘Eliya,’ nefyaba ngefyo.”

Ena atile, “Lelo inga mutila Nine Nani?”

³⁰ Imwe mwamona, cena tacishintilila paco umuntu onse umbi aletontokanya, cena cintu iwe waishiba ukuba Icine. “Cinshi ico *iwe* walalanda?” Ilyo ilipusho kuti lyakumanya umuntu onse

pakati kesu pa cinso munshita ino iyabushiku, “Cinshi ico iwe walanda?”

³¹ Kabili Petro mukwangufyanya ukulandapo, ukwabula ukulolela kumo, atile, “Iwe niwe Kristu, u Mwana wakwa Lesa wa mweo.”

³² Nga Yesu Uwaishiba ifyankama yamitima yonse, pantu Ena tali umuntu umbi ukucila Yehovah uwalangishiwe mu mubili, kabili Ena atile, “Walipalwa niwe, Simon, umwana wakwa Yona, pantu umubili no mulopa tafisokolwele ici kuli iwe, lelo Taata Wandi ulya uwaba mu Muulu ewacita ici. Kabili pali ili ilibwe Ndi nokukula i Chalichi Candi, kabili impongolo sha kumbo tashakanshe Cena.”

³³ Kabili ifwe fwe bantu lintu twaisa, ifwe ba Lutherani tulefwaya ukwenda necicetekelo, ifwe ba Methodisti tulefwaya ukubilikisha pakwingila Mwena, imwe ba Pentecosti mulefwaya ukulandila mu ndimi pakwingila Mwena, lelo ico cili ama mailoshi ama milioni ikumi ukufuma kuli Cena.

³⁴ Cena busokololo ubwa Maka ubwakwa Shikulu Yesu Kristu, uyo Muntu mu Mibele Yakwe alisokolola mu mutima, “Pali ili ilibwe Ndi nokukula i Chalichi Candi, kabili ne mpongolo sha kumbo tashakalwanshe Lwena.” Cena cilabomba bwino pamo na Mateo :24, 5:24, nangu, Yohane Washila 5:24, “Ena uyo uumfwa Ifyebho Fyandi, kabili nokucetekela pali Ulya uwa Ntuma, nakwata Umweo wa muyayaya; kabili takatale esa mukusekwa, lelo napula mu mfwana nokwingila mu Mweo.” Tapa mulandu wakutula iwe naukwata icakusela, icakumfwa umfwa icili conse, lelo nipamulandu wakutula iwe waliba, uwakwata insambu ishakukwata Kristu ukusokololwa kuli iwe ukufuma mu Muulu, “Pali ili ilibwe Ndi nokukula i Chalichi Candi.”

³⁵ Kabili lintu, Yakobo, lintu ena afwile, umwana wakwe afungilishe umubili wakwe, kabili ena ashikilwe pamo na Abraham, Isaki, Sarah, na Yobo, mu Mpanga isha Mushilo, mu Palestine.

³⁶ Nomba, Yosefu, ukuba kasesema. Ena atungulwike mulya mu Egypto. Ena aishibe Lesa. Lesa aisokolwele Umwine kuli ena. Kabili lintu ena afwile, atile, “Tamufwile ukushika amafupa yandi muno, lelo mukabike...lintu...Ubushiku bumo Lesa icine cine akatandalila imwe!” Mulandu nshi? Ena ashintilile bwino pa Cebo cakwa Lesa kuli Mose, “Imyaka imyanda ine bali nokubombela ici calo, lelo Ine ndi nokubafumya ukuya.” Ena ashintilile bwino pa Cebo.

³⁷ Kabili we cakulondolola icisuma we pano, nga cakutula kuti mwamona. Umu Hebere onse uwalepita palya, ne numa yakwe iyaumwa ukufungaulwa, kuli balya bakatungulula ba basha. Kabili lintu aloleshe pa mafupa yakwa kasesema wakwe, Yosefu, ena alishibe ukutula ubushiku bumo bali nokufuma ukuya.

Pantu, yalya amafupa yashilwe mulya icakwibukisha, ukutila ubushiku bumo bena bali nokufuma ukuya.

³⁸ Cena caba pali ikumi na fisano nangu ikumi na ciine konse konse iyapitapo lintu Billy Paul, umulumendo umunono uwa myaka isano iyakufyalwa, uushakulile apakalamba... Twakwete iluba ilinono ilyo ifwe twaletwala ku nshishi yaba nyina bakwe, ilyo bwacele ulucelo lumo, pe Pasaka, ilyo fye akasuba kaletula, kalefuma; nangu ilyo takulaba ulubuuto lwa kasuba, cena cali, nomba twaleya mukulongana. Kabili lilya linefye twaleenda tuleya ku nshishi, umulumendo munono afulileko icisote cakwe ilyo twale enda ukufika apo nkashi yakwe na nyina wakwe bashikilwe. Kabili ena atampile ukushinshimukila nokulila, kabili ena atile, “Taata, bushe bali muli cilya icilindi?”

³⁹ Natile, “Iyo, we mwana. Ena tali mulya muli cilya icilindi. Ena ali imiku amamillioni umu ukuwaminako ukucila iwe na Ine.”

Ena atile, “Bushe Nkamona ba mayo nakabili?”

⁴⁰ Natile, “Ukupitila mukusenamina kwakwa Lesa, nga cakutila iwe wakabila ico, iwe uli nokumona ena nakabili.”

Atile, “Bushe umubili wakwe ukatala aufuma muli iyi nshishi?”

⁴¹ Natile, “We mutemwikwa, isala amenso yobe, kabili Nalakweba ilyashi ilinono. Imyaka iingi imyanda iyapitapo, muno lucelo, kwali inshishi iya shele iyaisuka.” Natile, “Cena cili icakwibukisha ‘kuli abo bonse abalalila muli Lesa ebo Kristu akesa pamo na Ena lintu Ena akesa.’” Ukwabula necinshingwa cakuitwishika, Ine nashintilila bwino pabulayo ubwakwa Lesa ubwa Muyayaya!

⁴² Nga Yobo wakale, lintu twaumfwa ukutila “imito ku mito, kabili ulukungu ku lukungu,” cena cilenjibukisha pali Longfellow, uyo uwatile:

Mwinjeba, mu nshita yakullosha,
Umweo wena waba fye ciloto icabulamo
icintu!
Kabili no mweo uyo uushipula ulafwa,
Kabili ne fintu tafili ifyo fifwile ukuba.

Ena atile:

Ee, umweo utuntulu! Umweo wacishinka!
Kabili inshishi tebuyo bwaciko;
Pantu iwe uli lukungu, kulukungu eko
wabwelela,
Tacalandilwe pa mweo.

⁴³ Bena beta cena umubili uushifwa, ukutila lintu ifwe twafuma pano tuya mu ncende imo kumbi. Conse ifyo cena

cifwile ukuba, Ine nabula i Cebo ca mutumwa, lintu ena atile, “Nga cakutila ili ihema lyamushili nangu icifulo icakwikalamo caonaulwa, ifwe natukwata umu uyo kale uulelolola, ukufuma muli *uno* ukuya Mulya.”

⁴⁴ Abrahamu, Isaki, Yakobo, Yobo, bonse bakasesema, bena basubile no kucetekela ukutila kwali nokwisa ukubuuka, ukutila u Mulubushi ali nokwisa. Bena baseseme palwa Ena. Enoki aseseme palwa Ena; ashintilile bwino, aisalile ubunte bwakwe pamo na cena. Isaki, Yakobo, Daniele, Yeremiya, Esekele, bena bashintilile bwino pa nshita ukutila Messiya ali nokwisa.

⁴⁵ Kabili bena bafwile kabili ne myeo yabo yaile mu Paradise. Bena tabaile mu Kubapo kwakwa Lesa, pantu (twalikwata ico mu bushiku bwafumineko) ukutila umulopa wa ng’ombe ishilume ne mbushi tekuti shelele imembu; fyena fifimbafye pa lubembu, ukulanda pabushiku lintu Ilambo ilyapwililika; pantu umulopa wali mu nama tawalebwelela pali kapepa, pantu nombamba ena tali nokuleka ukupela amalambo aya musango ulya.

⁴⁶ Lelo lintu u Mwana wakwa Lesa afwile, u Mweo uwali muli Ena tawali umbi lelo wakwa Lesa, ukubwekela nokwisa tubula ukuba abana mulupwa lwakwa Lesa. Kabili nombamba ifwe tuli bana bakwa Lesa, u Mweo ukufuma mu Mulopa Wakwe.

⁴⁷ Nombamba moneni bwangu bwangu, ilyo tulekonka. Lintu twabwelela mu Cipangano Cakale, nabalya aba cetekele nokupepa, kabili bafwilile mu Cicetekelo, ukulolela pali ilya nshita, umulandu ico balya bakasesema bacitile cilya, kabili balefwaya ukushikwa mu Palestine, bena balishibe ukutila ukusumbulwa takwakabe mu Egypto. Kwena kwali nokuba mu Palestine, mweka.

⁴⁸ Uyo wine e mulandu Ndelandila muno nshita yabushiku: Ine ninkwata imisango yonse iya mashina; Nshilesakamana ifyo abantu benganjita, ico tacilepilibula icintu nangu cimo kuli ine. Icintu fye cimo ico Ndefwaya ukucita, kwishiba ici: ukutila Ine nalifwa, kabili no mweo wandi wafiswa muli Kristu, ukupitila muli Lesa, kabili walikakatikwa na Mupashi wa Mushilo; ukutila lintu Ena aita ukufuma pakati ka bafwa, Ine nkasuka pali bulya bushiku. Nshikeni ine muli Kristu, pantu bonse abo ababa muli Kristu ebo Lesa akesa pamo na Ena pali bulya bushiku.

⁴⁹ Nimu musango nshi ifwe twingililamo muli Kristu? Abena Korinti Wacimo 12:13, “Ku Mupashi umu ifwe bonse twalibatishiwa mu Mubili umu, kabili nokuba abekashi ba nensu aba mu Bufumu bwakwa Lesa.” Ifwe tulanda ukuba abalebeshi kabili abeni pano pe sonde, kabili, tatufwaya ifi fintu fya pe sonde, lelo ukulolesha pakwisa ukwa Mfumu ya palwa ukwisa bula ubufumu, ukufuma kuli bamba ukufika kuli bamba

uushakwata imipaka, lintu Ena akesa mu bukata Bwakwe. Icine cine, ifwe tulelolesha ku Kwisa Kwakwe.

⁵⁰ Kabili nomba tamuli ukutwishika mu mano yandi, lelo ukutila ico Yesu akwete mu mano Yakwe lintu Ena ali pano pe sonde, cali ni cilya icakukana cita icilubo ica Cebo cakwa Lesa ica Muyayaya. Pantu, ifwe twaishiba ukutula muli Ena mwaikela umwisulo wa Mubili wabu Lesa. Bu Lesa bonse bwali muli Ena. Ena ali fyonse fibili Taata, Mwana, kabili Mupashi wa Mushilo, lelo aikele mu mibele ya buntu nse; umubili uushifwa uwakwa Lesa, icipasho iciklamba icakwa Lesa ico Ena apangilemo umuntu ukuba, kabili nokumubika ena mwisonde. Ena akwete umubili. Lesa taba uwabulo umubili. Lesa alikwata umubili, kabili umoneka kwati muntu. Mose amwene wena, na bambi wena, kabili wena umoneka kwati muntu.

⁵¹ Kabili wena umonekafye uwakulangisha, *ici* cili, ifyo Cilya caba. Kabili ifintu fyonse pe sonde, ubusuma, ukuwama, ubusuma bwe sonde, tacaba nangu icintu cimbi mwi sonde lelo kwasuko ku cintu cimo icacilapo ukuwama ukucila cilya, uyo uutulolela lintu twafuma muli cino calo. Pantu, icintu conse mwisonde caba fye icakumwenako kuli cilya icaba Muulu. Icintu conse ico icaba icisuma, icintu conse ico icaba icalungama, icintu conse icaba icayemba, ifimuti, ifyuni, ifintu fyonse, fyaba fye ifyakumwenako kuli filya ifyaba mu Muulu.

⁵² Umweo wesu cabafye icakumwenako. Wena cinshingwa, kabili te cintu icituntulu. Cena lubali ulushaba nangu cimo. Cena cisenda imfwa ukupanga icikope, ukutubwesha mu mubili uushifwa untu ifwe twafumako. Nomba mukubuka twisa mumibele Yakwe, mu mubili uwabushiwa. We cisuma we; tekubafye icisuma, lelo cena cintu icituntulu, icakushintililapo Icine ica Cebo cakwa Lesa ica Muyayaya, ukutula ifwe tuli nokuba kwati nga Ena.

⁵³ Moneni nomba, Yesu, uwabikwamo na maka yonse ayakwa Lesa, lelo, ilyo Ena akumenye Satana, Ena tabomfesho amaka ayali yonse a Yakwe. Ena asontelele fye ku Cebo! Ena efyo acitile. Ena atile, “Cena calilembwa, ‘Umuntu tekalilila uwa mweo ku mukate weka, lelo ku Cebo conse ico icifuma mukanwa kakwa Lesa.’”

⁵⁴ Nomba kuti iwe walanda shani ati kuti waikala ku ng’anda nokuba umwina Kristu umusuma nga fintu iwe wingaba ku chalichi? Iwe teti ucite ico. Ukubelenga i Cebo! Mupashi wa Mushilo Alya pa Cebo. Baibele e Cakulya icalingana ica bumupashi icakwa Lesa pa Chalichi Cakwe. Kabili Mupashi wa Mushilo e Umo Uuleta Cena kuli iwe kabili nokucibika Cena mu mutima, kabili nokutotela iwe ulatopilisha Cena. Kabili conse ica Maka yakalamba ica bulayo cili nokuleta bwino bwino fye ico Lesa alanda ukutula ali nokucita. Cena cifwile cacita. Cena Cebo Cakwe, kabili u Mweo Waciko.

55 Nomba, Ine nindaba ukutila Naciba nokukwatafye citika wa ora. Cena cilamposela inshita ukutila Nafika kucu Ndefwaya ukulanda.

56 Lelo moneni Yesu munshita yakushalikisha, nangu shibili, isha mweo Wakwe, ubwingi, ubwingi ubusesemo bwalifikilishiwe.

57 Umuntu umo atile kuli ine, “Munyina Branham, *ici* cifwile cacitika, kabili na *cilya* cifwile cacitika.”

Natile, “Cena kuti cacitika muli ora umo.”

58 Nga cakutila imwe kuti mwabelenga Amalumbo 22, kabili nomba nakumona inshita yakufwilamo Kwakwe pa capindama, Ine nalabafye nibunga ubunte ubwafifikilishiwe muma ora yakushalikisha yabili nangu yatatu aya mweo Wakwe! Icine cine, “Bena balashile amakasa Yandi na maboko Yandi. Lesa Wandi, Lesa Wandi, cinshi ico Imwe mwandekesha Ine?” nefyaba ngefyo nga fintu Davidi alilile ico.

59 Kabili nomba icintu cimo cimbi ico Ndefwaya imwe ukumona, Icine, icipandwa ica Cebo cakwa Lesa icishakwata ifilubo. Baibele Yatila, “Ena alasungile amafupa Yakwe yonse, tapali nangu limo ilyaonawilwe.” Pantu mucakupashanya, umwana wa mpaanga uwa kwipaiwa ecali icakupashanya ica ico. Impaanga ifwile ukuba iyabula icibala, amafupa tayafwile yaonaulwa ayafwile yaba mu mpaanga. Kabili panshita intu Ena ali. . .Ena alifwile, baile ukuti batobaule amolu Yakwe ne nondo. Kabili ilyo tacilacitika. . .Lolesheni panshita ilya ine iyakakata iyakulekelesha! Umuntu ne nondo, uwaipekanya ukutila asanse amolu Yakwe, lelo i Cebo cakwa Lesa catile, “Tamwakabe ifupa nangu limo ilikatobeka mwifupa Lyakwe.”

“Cili nokucitika shani?” Twangufyanyeko.

60 I Cebo cakwa Lesa ca Muyayaya! Nga cakutila i Cebo cakwa Lesa caba cilya icapwililika, bena abo ababa muli Kristu babafye abashininkisha ukwima nga fintu kwaba ukubuka. Lesa abafye uwashingamwa pa Cebo Cakwe, ukundapa iwe, nga fintu Ena aba ukupususha iwe. Pantu, Ena, cena Cebo Cakwe icalaya ico. Cena Cebo cakwa Lesa, kabili tatwakwata insambu ishakufumyako kuli Cena. Lelo kulandafye, “Cena e Cine.” Cetekela Cena! Temulandu necicitike, cetekela Cena, nangu cibe ifyo. Iyo ine enshila bonse abashala bena bacetekelemo Ico, kabili ifwe tatwafumishiwako kuli ico. Lesa apele Palestine kuli Israeli, lelo bena bali nokulwa paciputulwa conse ica mushili ico bakwete. Ubulayo bwenu, lelo imwe mufwile ukulwa pacipandwa conse ico mulelanda; ciwa ali nokumona kuli ico, icine cine ali nokucita.

61 Lelo moneni lintu bena bali abaipekanya ukutobaula amolu yakwa Shikulu Yesu, nga cakutila ilya inondo yalipumine amolu nokutoba yena, Lesa nga asangilwe ukuba uwabufi. Lelo takwali

ifiwa ifyalinga munshita iyamfimi ifyakulunguluka iyakuleka ilya nondo ukuma muli ulya umubili uwa wama. Pantu Davidi, imyaka imyanda cine konse konse ilyo cilya tacila citika, atile, “Takuli nokuba ifupa limo ilikonaulwa mu mubili Wakwe.” I Cebo cakwa Lesa cifwile caiminina ica Cine.

⁶² Lelo nomba cinshi ico bena bacitile? Bena babulile ifumo nokulasa lyena kulubali Lwakwe, kabili u Mulopa na menshi fyafumine, ukufikilisha ico Baibele yalanda, “Bena balashile amaboko Yandi nolubali Lwandi.” I Cebo califikilishiwe.

⁶³ Nomba lintu Ena alefwa, oh, we nshita we iyabipa! Ndetontokanya pali lulyo ulwimbo, kabili, nabu cishinka, cena cilelenga ine ukumfwa ububi ubwabipisha, lintu Ine natontokanya pali lulya ulwimbo ulo uwa mushikakulo alembele imyaka iingi iyapitapo:

Amabwe yapakati ayaletobaika ne myuulu
iyafita,
U Mupusushi wandi akontamike umutwe
Wakwe no kufwa;
Icipembe icaiswike casokolwele inshila
Ku kusangalala kwa mu Myuulu naku bushiku
ubushipwa.

⁶⁴ Kabili lintu Ena akobeme palya, aletona umulopa kabili alefwa, lintu Akonteke umutwe Wakwe, akasuba kaumfwile insoni palwa ena umwine, ukulolesha panshi pa cibumbwa icalefwa, untu Lesa apangile mucipasho Cakwe, ena ali nokulipila umutengo uwaba nga filya ukulubula cena, akasuba kalikene ukusanika panshi ye sonde muli ilya inshita. Umweshi walyumfwile insoni mpaka afumishepo icifulo cakwe. Kabili ne ntanda shapilibwike ukufuma kwi sonde. We cintu we icabipisha ulubembu ifyo lwali! Ifyo Lesa abombebe pamo na lwena!

⁶⁵ Kabili nokumona ifyo balya ba shimapepo balepumya, na mate nayakobama pa cinso Cakwe. Umuntu aumine Ena pamutwe, ne tete, kabili atile, “Nga cakutula Iwe uli Kasesema, twebe iwe uwakuma Iwe.” Umo pali bena atintila imyefu ukufuma cinso Cakwe, kabili nokumupuma Ena pa cinso, kabili alefwaya Ena ukutula aicingilile pa Lwakwe.

⁶⁶ Ena atile, “Nga cakutula u Bufumu Bwandi bwali bwa pali lino isonde, Ine palya pene nga kuti naita Taata Wandu, Ena nga antumine Ine amatulwe ikumi limo na yabili aya ba Malaika.”

⁶⁷ Cena nga calicinjishe, lelo nomba nimu musango nshi Ena ali nokucitilamo ico? Ena tali nokucita ico, pantu bena bali bana Bakwe abalelila pa Mulopa Wakwe. Bushe kuti mwaingililamo taata, taata, na bana bakwe pamo (mu mfifi) balelilila pa mulopa wakwa taata wabo? Uyo wine emulandu Ena tali nokucita icintu cimo lelo kano ukufwa. Nga cakutula Ena tacitile yena yali nimfwa ku bana Bakwe, yena yali nimfwa kufibumbwa. Lelo Ena ali nokufwa, pakupususha abantu Bakwe.

68 Kabili lintu Ena acitile, lintu Ena akontamike umutwe Wakwe, ili isonde ilikote lyalikwete akamushilwa panuma yaciko. Cena cifwile calikwete umwenso uwalangishiwe, pantu Baibele yatila ukuti “isonde lyonse, ukufuma pa nshita ya mutanda ukufika pa nshita ya pabula, kwali imfifi, yali ponse pacinso ce sonde.” Kabili ne sonde lyasunkene, kabili na mabwe yatobaike. Kabili necipembe camwitempele calepwike ukufuma pa muulu ukufika pe samba; kabili nefyakwisalila ilambo fyapilibwike. U Mwana wakwa Lesa wa mweo afwile. Ena ali uwafwa apakalamba mpaka akasuba kaishibe ico. Ena ali uwafwa apakalamba mpaka umweshi waishibe ico. Ena ali uwafwa apakalamba mpaka intanda shaishibe ico. Ena ali uwafwa apakalamba mpaka isonde lyaishibe ico. Ena aali uwafwa apakalamba mpaka ifintu fyaishibe ico, nemibele yaishibe ico. Ifintu fyonse fyalishibe ico ukutila ali Mwana wakwa Lesa! Pantu, i Cebo cakwa Lesa teti cifilwe, Ena alilaiwe, ukufuma mwibala lya Edeni, “U Lubuto ulo ululi nokucena umutwe wansoka.”

69 Nombacinshi icacitike kuli Ena? Nikwisa uko Ena aile lintu Ena afumine pa capindama kabili aile mu nshishi yakwa Yosefu umwina Arimathaea?

70 Ena ali umulanda nganshi Ena takwete ne ncende apakubika umutwe Wakwe. Afyalilwe mu mulimba, ne shina ilyabipa kunuma Yakwe, ngo “mwana wa mucani.” Ena balemuseka, balemupumya, balemulandila ifyabipa, mwi sonde. Ena balemupumya kabili, balimukene. Kabili lintu Ena afwile, Afwile mumfwa iyamusebanya, pakati kaba kabolala babili. Kabili takwete ne ncende apa kumushika Ena, kabili Ena ashikilwe mu nshishi ya muntu umbi. Lesa Ulya wine fye uwa mu Muulu ukwisa pe sonde! Ifwe tuletontinkanya twaba banani, ico cifwile ukupita panono mukucula kunono? Cinshi ico Ena atucitile ifwe! Tontonkanya pali ico, cibusa, belenga pali cena.

71 Uwabulwi uwa ci Roma atile, “Icine nine, atile ulya Mwana wakwa Lesa.” Umubembu alicishibe ico. Yuda atile, “Ine nafutuka u Mulopa wakaele.” Ena alicishibe ico. Isonde lyonse lyalishibe ico.

72 Nomba nikwisa kuntu Ena aile? Lintu umuntu afwa, bushe ico ninshi capwa cena? Iyo, mukwai. Ena afwile muli ilya nshila pantu Baibele yakwa Lesa yalanda ico ukutila Ena ali nokufwa muli iyo nshila. Kabili Acetekele i Cebo cakwa Lesa. Uyo wine e mulandu Alandile ukuti, mu mweo Wakwe, “Nkonaula ili tempele, kabili Nkalikula mu nshiku shitatu.”

73 Pantu Davidi atile, pa ncende imo, fye, muli Baibele, pesamba lyakusubwa, lintu Davidi, umuntu wakwa Lesa, kasesema ulya uwasubilwe pamo ne Cebo, atile, “Ine nshakaleke uwa Mushilo Wandi Umo ukumona ukubola, nangula Ine ukusha umweo Wakwe kumbo.”

74 Yesu atile, “Imwe onauleni uyu umubili, kabili Nkawimya munshiku shitatu.” Ena alishibe ukutula i Cebo cakwa Lesa tekuti cifilwe. Oh, owe!

75 Nga cakutula Ena ashintilile pali ico, ukucetekela ukuti i Cebo cakwa Lesa tekuti cifilwe, Nga ifwe kuti twacilapo shani mukushintilila pakutula ifwe twalifyalwa cipya cipya no Mupashi wa Mushilo, kabili Cena nicikambone mu mitima yesu nomba line ukutula ifwe twaisiba ukuti Umulubushi wesu ali no mweo kabili akabwela nakabili ubushiku bumo. Natushininkishe ukuti abo ababa muli Kristu Lesa ali nokubaleta pamo na Ena! Nomba moneni.

76 Nomba moneni Ena ali palya. Ena alishibe ukuti tamwakabe nangu kamo akanono akamu mubili akengonaula. Pali ba ora amakumi ciine lubali-na babili, ukonaika kulesamo. Uyo wine e mulandu Ena taikela inshiku shitatu. Ena afwile pali Cisano mu cungulo, abukile pa Mulungu ulucelo. Lelo, cena cali mukati ka nshiku shitatu. Mukati ka nshiku shitatu Ena alibukile nakabili, pantu Ena acetekela i Cebo cakwa Lesa.

77 Pano Ena aile! Nikwisa uko Ena ashile lintu Aile? Baibele yatila, “Ena aninine. Aile nokuya shimikila ku myeo iyali mucifungo, balya abashalapile mukukokola ukukalipa aba munshiku shakwa Noah.” Umweo wakwe, u Mupashi Wakwe, umubili Wakwe uushifwa uwa mibele Yakwe Umwine, waile panshi. Lekeneni tumukonke Ena. Bushe kuti mwafwaya, munshita ino iyabushiku, ukumukonka Ena muli ba mineti abanono? Lekeneni tumone uko Ena aile.

78 Pesamba fye ilya ncende isha mibele iya muntu paba incende iya maka yangulu; pesamba lya ico. . .pamuulu waico palala imyeo yabashalungama; pesamba lya ico palala bulya bwine ubufumu bukalamba ubwakwa Satana, imbo. Nomba pa muulu wesu fye paba Mupashi wa Mushilo; nomba pesamba lya Cipailo paba imyeo iya bantu abalungama; icakonkapo ni Lesa umwine pa Lwakwe. Umo ukuya panshi, umo ukuya pa muulu; impashi ibili ili pano pe sonde, ileongola abantu aba pali lino isonde.

79 Kabili lintu Yesu afwile, Ena aninine ukuya mu muulu, kulya kwine. Ine nde Mumona pali Cisano mu cungulo, panuma ya mfwa Yakwe, [Munyina Branham akonkonsha pa cintamba—Kale.] akonkonsheshe pa cibi ca shilya incende isha ba luba. Lekeneni tumukonke Ena pakashita akanono. Icibi caiswike. Mwali abanakashi, mwali abaume, mwali ba namayo imisepela, mwali nabakalamba, bena bonse bali capamo muli ilya incende iyabipa iitwa icifungo ca myeo iyo iyaluba.

80 Nga cakutula Nacikwata inshita, kuti Nafwaya ukumyeba. Kabili cena kuti cabafye icimonwa. Lelo inshita imo Natandalile ilya incende, kabili nabilikishe pa luse, ilyo Nali umubembu naleya mukubombelwa. Lintu Nafumine, Naiminine ku Mboshi,

namaboko ninjimya ukulola ku Muulu, kabili necapindama cilebengeshima pali ine.

⁸¹ Lelo muli ilya incende yakuloshamo kulya, Yesu aendele ukuya ku cibi. Ifintu fyonse fyali inte ukutula Ena ali Mwana wakwa Lesa, pantu bena bashimikilwe munshiku ishakukokola ukukalipa ishakwa Noah. Akonkonsha pa cibi, Ena atile, “Nine Wine Untu Enoki alandilepo. Ine ndi Lubuto ulwa mwanakashi uyo uwali nokucena insoka ku mutwe. I Cebo cakwa Lesa conse califikilishiwa; Ine nafwilefye kulya kulya ku Kalbale, kabili Ine nalishita i Chalichi Candi. Kabili na Umo untu Enoki alandilepo, Nine Wine.” Kabili bena bali ababula uluse, ababula isubilo, pantu bena bali bembwike. Kabili necibi caiselwe pa cinso cabo.

⁸² Ukuya panshi mu ncende isha ngulu! Ukuya panshi ku mpongolo isha kumbo! Ena akonkonsha pa cibi. [Munyina Branham akonkonsha pa cintamba—Kale.]

⁸³ Ici cali lintu Ena ali munshishi, umo umubili Wakwe wali, ulelolola ukwima. Ena atandalile incende isho abalungami naba shalungama bayamo; umo imwe muli nokuya bumo pali ishi inshiku, kuli imo nangu imbi incende.

⁸⁴ Kabili Ena akonkonsha pa cibi ca kumbo. [Munyina Branham akonkonsha pa cintamba—Kale.] Kabili, lintu Ena acitile, Ciwa aishilefuma. Kabili Ndeumumfwa fye ukutula, “Oh, mukulekelesha Imwe namufika. Mucine Natontonkenye ukutula nali Kukwete ilyo Naipeye Abele.”

⁸⁵ Mwamona, ilyo shilye mbuto shalilaiwe mwibala lya Edeni, Kasebanya lyonse aasha ukonaula ilye Mbuto. Kabili imfwa yakwa Abele, kabili ukwisa kwakwa Sete, yali fye imfwa, ukushikwa, no kubuka kwa kwa Kristu. Ilye Mbuto ilingile ukutwalilila. Kabili alyeseshe uku Conaula.

⁸⁶ Atile, “Natontonkenye Nali Kukwete ilyo Naonawile Abele. Natontonkenye ukutula Nali Kukwete ilyo Naonawile bakasesema. Nali uwashininkisha ukutula Nalikwete Imwe ilyo Nasonetele Yohane. Lelo nomba, nangu cibe fyo, Imwe na mufika. Ni nkwata Imwe nomba.” Oh, owe!

⁸⁷ Nde Mumfwa aletila, “Satana, isa kuno!” Ena Mukalamba nomba. Ainama nokupoka imfungulo yamfwa kabili ukufumya imbo pali ena, nokuikobeka kulubali Lwakwe Umwine. “Ndefwywa ukukukupela icishibisho kuli iwe. Waliba uwakubepa inshita ntali. Ine ndi Mwana uwafyalwa kuli nacingu wakwa Lesa wa mweo. U Mulopa wandi ucili uwabomba palupanda, kabili nemisha nailipilwa! Iwe taukwete insambu nakabili. Iwe wali fuulwa. Mpeni Ine shilye mfungulo!” Ico cinshinka. Ukupilibuka no kumupela icibaka icisuma ica bumi busuma, nokupaminkisha icibi pamo, no kutula, “Ikala mulya! Ndi Mukalamba ukufuma nomba na pantanshi.”

⁸⁸ Nomba, Ena takwete imfungulo isha ku Bufumu, pantu Ena alibapele kuli Petro; ifwe tulasenda fyonse filya mulucelo, mulubatisho lwa mumenshi. Lelo ena alikwete imfungulo shamfwa nakumbo, kabili Ena alibasendele; panuma ya kubuka Kwakwe, Atile, “Ninkwata imfungulo shamfwa nakumbo.” Petro alikwete imfungulo sha Bufumu. Satana alikwete imfungulo shamfwa nakumbo; lelo nomba Yesu alibakwata, Ena Mukalamba.

⁸⁹ Pano Ena aima. Cileya kwi Pasaka; inshita ilepwa. Lelo kuliko ibumba limbi. Alikwi Yobo? Alikwi Abrahamu? Nikwi kuntu bali? Balikwi balya bantu abasubile i i Cebo cakwa Lesa? Bushe Ali balabako? Bushe imfwa yali bapwishishe? Bushe cilya cali eco? Tacatala, tacatala; Lesa alingile ukusunga i Cebo Cakwe.

⁹⁰ Nde Mumona. Lekeni tumonemo panono mu Paradise, noukulolesha kulya lubali. Kabili Ndemona Sarah na Abrahamu ukwendauka mulya, kabili panuma yakashita [Munyina Branham akonkosha—Kale.] icintu cimo pa mwinshi. Abrahamu ayaiswile icibi, atile, “We mutemwikwa, isa kuno. Lolesha kuno! Lolesha kuno, ulya e Umo wine uwaiminine pamo na ine pesamba lya mutelebinti bulya bushiku.” Ena ni Lesa wakwa Abrahamu.

⁹¹ Palya pene Namona Daniele alelolesha pa kubeya kwakwe, nokutila, “Cilya e Cilibwe ico caputwilwe ukufuma ku lupili, mukshininkishafye ngefyo Njiminine pano.”

⁹² Namona Yobo aima, atila, “Ulya e Kalubula wandi uo Nasosele ukutila Nalishibe ukuti ali nomweo, kabili ubushiku bumo Ena akeminina pe sonde. Umubili wandi limbi tekuti ube kasupuni akanono akamito, lelo muma miniti ikumi limo na yasano ukufuma nomba Nkaba muli ena nakabili. Ulya e Ena.”

⁹³ Esekiele aloleshe pa mulu, kabili atile, “Nalimwene ulya u Muntu umo wine nga Umupeto mukati ka Mupeto, ukupilibuka, mukati fye kalwelele.” Oh, owe!

⁹⁴ Elyo Enocki aishile. Enocki atile, “Nalimumwene Ena ukwisa ne myanda mishila ya ba mushilo Bakwe, ukuba ubupingushi.”

⁹⁵ Kulya kwali aba mushilo aba mu Cipingo Cakale abalelelela, mucine bena bali, pesamba lya cikonsolwelo ca mulopa. Bena tekuti baye mu Mulola wakwa Lesa, Lesa uwa ku Muulu, pantu imbushi kabili umulopa wa mpaanga tekuti ufumye ulubembu.

⁹⁶ Lelo Atile, “Ba munyinane, Ndi ulya Umo uuletonkanya ukutila Nine. Ndi Bufyashi bwa mwanakashi. Ndi Mwana wakwa Davidi. Ndi Mwana wakwa Lesa. Nine Umo ulya uwafyalwa kuli nacisungu. Umulopa Wandi nausumbula cena. Imwe mwalilolele pe samba lya mulopa wa mpaanga ne mbushi, lelo nomba u Mulopa Wandi ulakonsolwela, kabili imwe muli

abantungwa. Natuleya, nalipalama Ipasaka.” Tontonkanyeni fye, cilya cali fye nalimo imyaka ikana limo ne myanda pabula na imo iyapitapo, muno bushiku.

⁹⁷ Ndeumfwa Abrahamu aletila, “Shikulu, ilyo twaisa mu mubili wesu nakabili; kabili Sarah na ine twalicitemenwe nganshi; bushe kuti Mwasakamana nga cakuti twaimininako panono, icapala ico, pamusebo Wenu?”

⁹⁸ Ukuba, Nde Mumfwa aletila, “Mulandunshi, iyo, mucine iyo. Ndi nokwikala na basambi Bandi panshiku nalimo amakumi yane. Lolesheni mumbali nokumona ifyo ifintu fyonse filemoneka!”

⁹⁹ Pali lulyo lucelo lwa bukata ulwe Pasaka (uko ifwe tukema mulucelo, Shikulu ngasuminisha) ilyo Ena abukile ukufuma ku bafwa, Baibele itila, ukulingana na Mateo Washila 27, ukutula “Abengi abamushilo abo abalele mulukungu lwa mushili, baishilebuka nokufuma mu nshishi.” Ali nani? Abrahamu, Isaki, Yakobo, Yobo, balya abo kubusokololo ubwa bumupashi ubwa sokololwa balishibe ukutula Kalubula akesaiminina pesonde ubushiku bumo. Cilya ni bena, ifisabo fya ntanshi ifya balya abalele. Mulya balyendele mu musumba. Kutu namona Sarah na Abrahamu, abaice, kabili abaisushiwamo. . . kabili abasuma, kabili—kabili abaisushiwamo no mweo, takwakabe ukukota nakabili, takwakabe ukulwala nakabili, takwakabe nsala nakabili, ukwenda mukati ka mibili yabo.

¹⁰⁰ Kefasi naiminina palya, aletila, “Nawishiba? Kwaliko icintu cimo icacitike ubushiku bumbi, lolesheni fye pali ici cimfulunganya ili tempile lilimo! Kuliko. . . Twalafwaya abakwisa bila icipembe. Moneni balaya, icibokoshi camalambo nabapilibula. Cinshi icacitike? Bushe ulya Muntu ni kabebeta wa myulu? Bushe Ena ali nindoshi? Nangu, cinshi icacitike? Ukutula! Isa kuno, Josephus, ni balya abaupana abanono abeminine kulya?”

Abrahamu atile, “Sarah, ifwe natwishibikwa. Ifwe cawama tufume.”

¹⁰¹ “Amonekele kubengi!” Cilya tacali conse ica cena. Mukwisala, loleni. Ubushiku bumo ilyo panuma Ena akwete. . . bena bali tandalile; Abrahamu, Isaki, Yakobo, kabili bonse muli bena bali tandalile impanga kuntu bafumine. Ilyo Yesu aile ku mulu. . .

¹⁰² Mwatila, “Munyina Branham, bushe cilya cintu cabufi?” Iyo, mukwai! Nalamilangisha mu Malembo, muli miniti.

¹⁰³ Ilyo Ena atendeke ukuya pa mulu, bena bamwene fye Ena, lelo abamushilo aba mu Cipangano Cakale baile pamo Nankwe, pantu Baibele isoso kutula “Ena atungulwile bunkole, no kupela ifyabupe ku bantu.” Kabili Nde Mumona ilyo Aya pa mulu, nokuilunda ku chalichi Lwakwe.

104 Ba Malaika babili ukufuma muli bakemba abalelisha inyimbo, baishilebwela kulya, kabili batile, “Mwe baume ba ku Galili, cinshi mwiminine mulelolesha? Pantu uyu wine Yesu, uyo wasendelwe, aleisa nakabili.” Mucine! Babwekelemo ulubilo nokuya ilunda kwibumba.

105 Kabili mulya mulwelele emo Yesu na bamushilo aba mu Cipingo Cakale balile. Bena bacilile umweshi, bena bacilile akasuba, bena bacilile intanda. Kabili ilyo bafikile pacinso ca ilya iikalamba, Imyulu iya buta, aba mushilo aba mu Cipingo Cakale balebilikisha, baleambula Amalemo, “Isukeni, mwe mpongolo sha muyayaya, kabili isukeni! Isukeni, mwe mpongolo sha muyayaya, kabili isukeni! Kabili lekeni Imfumu ya Bukata ingile!”

106 Bonse ba Malaika bakolongene pamulu wa fipuna fya mu Mulu, nokutila, “Nani uyu i Mfumu ya Bukata?”

107 Aba mushilo aba mu Cipingo Cakale batile, “Shikulu wa mpuka, uwapulamo mu bulwi! Ena ali ni Kacimfya!”

108 Kabili Malaika atinike cilibatani icikulu, nempongolo yamabwe yauma umutengo yaiswike.

109 Ukuya fye mukati ka Musumba wa Yerusalemu kwaishile uwapulamo, Kacimfya uwapulamo, ukuleta aba mushilo aba mu Cipingo Cakale. Ifilimba fya ba Malaika balelisha, ilyo ba Malaika balebilikisha. Ena ali ni Kacimfya uwapulamo! Ena alikwete imfungulo sha mfwa na kumbo ukulebela kulubali Lwakwe, ukuya fye mukati ka tushila utwa Bukata mpaka Aishilefika ku Cipuna ca bufumu. Kabili Atile, “Taata, aba bali apa. Balicetekele, mucitetekelo pa Cebo Cenu, ukutila Nkesa ubushiku bumo. Nincimfya fyonse fibili imfwa nemo.” Cali ni cinshi, munyina? Alikwete ifibala mu kuboko Kwakwe, ukulangisha ukutila Ali mubulwi. Ubukata kuli Lesa Uwapulamo! Ena ni ulya Kacimfya wa maka! “Aba pano, Taata; Abrahamu, Isaki, na Yakobo.”

110 Nde Mumfwa aletila, “We Mwana, nina panopambali Yandi, kabili wikale mpaka Mpange umulwani obe onse icakunyantapo Cobe.” Munyina, ubushiku bumo Ena akesa nakabili, kabili ifyo cikaba ubushiku!

111 Ena taikelfye ilyo Ena ali mu nshishi. Ifwe tuletontokanya ukutila Ena alelefyeye fye palya, uwafwa. Lelo Ena ali kulya acili alecimfya, Alile kulya no kusenda imfungulo ukufuma kuli Satana, Ena alikwata imfungulo sha mfwa na kumbo, muno bushiku. Atile, “Pantu Ndi wamweo, iwe kuti waba nomweo, pamo.”

112 Ndesunguka muno bushiku, munyinane umutemwikwa, nkashi, bushe walitontokanyapo pali cilya mubufumacumi? Bushe muleiluka ukutila imwe mwikala fye pantu Ena wa mweo? Bushe na mutasha pali cena nganshi ku kuipela mwebene, no

kusosa, “Lesá, Ndi pano, umubembu, mbeleleni uluse”? Bushe mwalitala ukusumina lilye Lambo ilyalinga? Bushe mwalitala Mweba ukutila mwali Mutemwa? Bushe cilemulenga ukumfwo bubi ilyo mwapanga icilubo? Nga tamwatala isa kuli kulyo kwishiba nomba, muli uku kunakuka! Ilyo, inshita yesu ileya ilepwa. Ndeumfwa fye bwino! Lelo, Ndesunguka, nga tamwatala pokelela Kristu ngo Mupusushi wenu mwebene, Ndesunguka nga kuti mwacita ilyo twakontamika imitwe yesu pakashita fye mwishiwi lye pepo.

¹¹³ Lisheni ico, *Mid Rending Rocks*, nga kuti mwacita ico, Nkashi Gertie, nga imwe namukwata ico. Cisuma, conse icintu cili nokucita.

¹¹⁴ Ne mitwe yenu iya kontamikwa, Nala mwipusha ilipusho ilya cine ilya bufumacumi. Ibukisheni bacibusa, umubembu nangu uwashila, tamuli ukufuma mukubapo nga twamishika. Umweo wenu uli pa cifulo cimo. Nomba, Yesu atandalile ififulo fyonse fibili, ukulingana na Malembo. Nikwisa uko Ena enga musanga nga kuti mwaya muno bushiku? Bushe kuti mwakwata umwinshi uwa luse ukwisalila mu cinso cenu, pantu imwe na mukana? Ibukisheni, te Ena fye Kapususha, Ena ni Kapingula. Imwe muli kapingula nomba, musango nshi mule Mupingula? Leken Ena abe Kapususha wenu nomba.

¹¹⁵ Ilyashi ilinono lishila mu mano yandi. Inshita imo akale umulumendo umunono alikele mwi—mwi celeta. Imfuti bailishishe mumusebo, naba kabalwe babutuka, aleya kulupili. Kasunga wang’ombe umulumendo alibutwike nokwiminika bakabalwe ilyo iceleta talilaponena mwisamaba yalupili, pantu lyalikwete akanya muli lyena. Ena apuswishe ubumi ubunono.

¹¹⁶ Imyaka iingi panuma ya ico, naiminina mu cikulwa ca milandu. Umo wine umulumendo alicitile umulandu, aile inshila iishalungama, ali nomulandu. Ena alenwa, ukuteya injuka, alilashile umuntu; kabili ali no mulandu, ukusangwa no mulandu. Kabili kapingula aliminine nokutila, “Nakutuma mukwipaiwa kwakukulikwa pamukoshi mpaka umweo obe uwabuntunse bwafumamo.”

¹¹⁷ Ulya mulumendo atile, “Kapingula!” Kabili alyonawile imibombele ya cilye, ilyo atolokele pacakucintilishapo nokuwa pa makasa yakwa kapingula, ukuti bamubelele uluse. Atile, “Kapingula, lolesha pa cinso candi! Bushe tamwanjishiba?”

Atile, “Iyo, we mwana, Nshakwishiba.”

¹¹⁸ Atile, “Uleibukisha umweo wa mulumendo umunono uo wasungile, imyaka ingi iyapitapo, ukufuma kuli kabalwe uwa butwike?”

Atile, “Ee, Ndebukisha cena.”

¹¹⁹ Atile, “Nine ulya mulumendo.” Atile, “Kapingula, wampuswishe nomba. Npususheni nomba!”

120 Kapingula aloleshe pali ena, kabili atile, “We mwana, bulya bushiku Nali kapususha obe. Ilelo Ndi kapingula obe.”

121 Ileelo Ena ni Kapususha obe, we mubembu, mailo Ena limbi kuti aba Kapingula obe. Leken i tutontonkanye pali cena nomba, ilyo ulwimbo lulelila. Kabili cila umo ukulapepa, abo abali pa cififulo cakupepa na Lesa.

122 Ndesunguka muno bushiku nomba, bwangu bwangu, abo abenga temwa ukusumina Kristu nga Kapususha umwine, ukusosa, “Lesa, beni noluse pali ine, umubembu. Ndefwaya ukwisa no Mulopa uwasumishiwa. Ndi uwanaka pa kuilunda ku ma chalichi no kubutuka ukufuma ku cifulo ukuya ku cifulo. Ndefwaya ukufyalwa cipya cipya. Ndefwaya ukwishiba mu mutima wandi ukutula Nalishiba ukutula Kristu naisokolola Umwine kuli ine, ku busokololo ubwa bumupashi ubo mwalandilepo, Munyina Branham. Ndefwaya ubusokololo bwa bumupashi, Mupashi wa Mushilo mu mutima wandi, ulenenga ukuba nomweo, ukulenga Kristu ukuba uwacine kuli ine ukucila ifyo Naba kuli ine nemwine. Ndekabila kulyo kwishiba, Munyina Branham. Bushe walampepelako ilyo Naimya ukuboko kwandi?” Bushe kuti mwaimya ukuboko kwenu nomba, uyo ukabila ukwibukishiwa. Lesa akupale, na mayo. Lesa akupale kunuma uko, na mayo. Ico cisuma. Lesa amipale, mukwai. Ico cisuma. Imya amaboko yobe, nomba imya ukuboko kobe.

123 Kuti waba shani uwa nsoni? Bushe kuti wakana ifya musango Uyu, we munandi? Ibukisha.

124 “Oh,” mwatila, “Munyina Branham, bakashimikila balishimikila pa myaka.” Ninjishiba, lelo bumo muli ishi nshiku shikapwa ukushimikila. Kabili umusango ifintu fimoneka, limbi kuti fyapwa. Muli nokumfwa ukushimikila kwakulekelesha. Mukukanapita mumbali, uku limbi ekwakulekelesha.

125 “Oh,” mwatila, “Ndi mwaice.” Cilya tacili mulandu. Imfwa tayakwata umucinshi ku muntu, nangu inshita nangu fintu umuntu engacita.

126 Bushe nomba mwala Mupokelela ena nga Kapususha wenu mwebene, pa kwimya ukuboko kwenu, ukusosa, “Lesa, mbeleleni uluse?” Imyeni amaboko yenu pamo na bonse aba, no kutila, “Nomba Ndefwaya ukusumina Kristu.” Bushe kuti mwaimya ukuboko kwenu?

127 Umuntu umo uyo uwabwekela kunuma, atile, “Lesa, mbeleleni uluse. Ndefwaya ukubwekela kuli Kristu muno bushiku, ukutula mailo limbi kuti kwaba ukubuka, cipya cipya, kuli ine.” Bushe kuti mwaimya amaboko yenu? Imyeni ukuboko kwenu, nokutula, “Mbeleleni uluse. Ndefwaya nomba ukwisa.” Bushe mwalacicita? Imyeni ukuboko kwenu, nokutula, “Naba uwabwekela kunuma, lelo muno bushiku...” Lesa akupale, na mayo. Lesa amupale. Ico cisuma. “Nalasumina Kristu nga Kapususha wandi ne mwine. Nalasumina Ena muno bushiku.

Nalyendauka, imyaka ingi ukutaluka ukufuma kuli Lesa, lelo nomba Ndeisa kumwesu.” Bushe mwala Musumina muno bushiku, ukutila uku kuti kwaba ukubuka cipya cipya kuli imwe, umweo wenu uwakale limbi kuti wapwa?

¹²⁸ Uyu namayo aleisa kuno kucipailo, mukupanga ukuyebelela, mukwiminina. Umuntu umbi alefwaya ukusenda icifulo cabo pano, ukwisa kuno pamo nankwe, pa kuyebelela kwabo? Bushe kuti mwaiminina, nokwisa ku cipailo, na imwe? Icipailo nasisuka. Mucine. Iseni fye kuno, ino ine nshita. Nga mulefwaya ukwiminina kuno nokupepa, cili nokuba fye bwino. Twalilileni. Bushe mwalaisa? Pa kuyebelela kwa mu cicetekelo cobe, pa cicetekelo cobe mu Mwana wakwa Lesa, bushe nomba kuti waisa? Cisuma.

¹²⁹ Cili kuli imwe, muleibukisha. Nimwe bene. Bushe uli mubembu? Bushe wali bwekela kunuma? Bushe walitalala taluka ukufuma kuli Kristu? Kabili ulefwaya ukubushiwa cipya cipya pamo na Ena nomba, ukutendeka umweo cipya cipya? Nga palwa iwe, umulume no mukashi uyo wali pa—ali kunse pa nshita itali, ukutalikishanya mu ng’anda yobe? Bushe tawaise nokulungamika cilya cintu na Lesa kabili na umo nomba? Pageni Ipasaka mucine ilye Pasaka kuli imwe, ukutendeka ing’anda ipya.

¹³⁰ Nga palwa iwe umo umushatala bapo, tawatala aukwatapo ipepo mu ng’anda yobe, iwe kuya fye ku ng’anda ukufuma ku chalichi nokwisha ukwikala mu busuma ubo mwingacita, tekuleta ulupwa capamo nokupepa? Emulandu wine twakwatila bucintomfwa bwa bana kabili ne fintu ifyo twakwata. Emulandu wine amayanda ya bena America yatobekela. Bushe tamwise, ukutendeka cipya cipya muno bushiku? Bushe mwalacita ico? Imwe na mwitwa. Ibukisheni, Ndi kapyunga wenu nomba; Ndi nokuba inte pali bulya bushiku.

Ilyo tucili natukontamika imitwe yesu, lyena, nomba mwipepo.

¹³¹ Shifwe Wesu Uwapalwa uwa mu Myulu, muno bushiku tuleleta kuli Imwe ili bumba, mu bukata ubwa bukata nganshi ubo twaishiba musango nshi. Ifwe mukuicefya tulepalama Icipuna Cenu ica bufumu. Kabili napanuma ya Mbila muno nshita yabushiku, uko, uko ukushikwa ukukalamba, Tatalile ukwikala tondolo, umweo Wakwe wapitile mulya mwine mu ncende no kupwisha umulimo wakwa Lesa, uo Alashikwe ukucita. Kabili mailo ulucelo, tulesanga uko Ena apitile mu fiputulwa fya mumulu, ukucimfya ifintu fyonse, mukubuka Kwakwe. Lelo Ena aishilefuma ulucelo pe Pasaka ku kulungamikwa kwesu. Kabili tulesanga ukutila Ena atumine Mupashi wa Mushilo ukubwekela, ukushinina abantu aba lubembu.

¹³² Kabili tulepepa muno bushiku, Shikulu, ukutila abo abacimya amaboko yabo bengebukishiwa ku cinso Cenu. Leken i ukusala kwabo kube ukufuma mu mitima yabo muno bushiku, ukutila bena naba Mupokelela, no kucetekela Imwe, kabili shi benga kakatikwa ne Cikakatikilo ica bulayo muno bushiku, u Mupashi wa Mushilo. Cipeleni, Taata. Pantu, tulebapela kuli Imwe, ne iyi Mbila muno bushiku. Leken i Cena cipale balya aba Cumfwile, balya, Shikulu, abo abali noku Cisenda pamo na bena ku ng'anda yabo, nokubika Cena mukati ka mitima yabo. Leken i bena bekale pa Cebo cakwa Lesa. Cipeleni, Taata, pantu twacilombela mwi Shina lyakwa Kristu. Ameni.



UKU SHIKA BEM57-0420
(The Entombment)

UKUPUPUTULWA KWA PEPASAKA UKWAKONKANA

Iyi Mbila na Munyina William Marrion Branham yaletelwe intendekele mu Cingeleshi pa Cibelushi mucungulo bushiku, muli Shinde pa 20, mu 1957, ku Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org